

o uro o uro

o uro o uro

o uro o uro

o uro o uro

o uro

o uro

o uro

o uro



Rep. I. V. 4.

oo  
bo

Ff 289

III. V. 4.

lyk 6, 5, 4, 12

29. R. O. u. M. 57. 59 1/2

Ein vortrefflicher vnd außföhrlicher  
**DISCURS,**  
Bedencken vnd Gutachten.  
An alle vnd jede  
Potentatender ganzen Christenheit:

Über  
Dem gegenwertigen gemeinen Wesen vnd üblem  
Zustand in Europa: vnd welcher gestalt dem darinnen eine Zeit  
sich ereignendem Vnheil entgegen zu bauen vnd zu  
remediren sey.



Durch einen zu dieser vnser Zeit vornehmen vnd  
erfahrenen Politicum in Fransösischer/Sprach mit Fleiß ge-  
schrieben: Vnd ansko zu jedermänniglichs Wissenschafte  
vnd nothwendiger Information ins Hochteutsch  
übergesetzt vnd in Truck  
verfertiget.

Im Jahr Christi. 1632.

Ein christlicher  
Index  
DISCURS

Über die  
Ewigkeit der  
Sünden

von  
Johann  
Christoph

Wolff

Leipzig  
1704

Verlag

der  
Buchhandlung

der  
Herrn  
Johann  
Christoph  
Wolff

in  
Leipzig  
1704

Verlag  
der  
Buchhandlung

der  
Herrn  
Johann  
Christoph  
Wolff

in  
Leipzig

1704



Die  
Herrn  
Johann  
Christoph  
Wolff

in  
Leipzig

1704

Verlag  
der  
Buchhandlung

der  
Herrn  
Johann  
Christoph  
Wolff

in  
Leipzig

1704

Verlag  
der  
Buchhandlung



Rathschlag/ Bedencken vnd Gutachten / an alle  
Christliche Potentaten/ über dem gegenwärtigen  
Zustand des gemeinen Wesens.

**A**ls Ungewitter / welches mein ge-  
liebtes Vaterland bishero agitiret vnd zer-  
rüttert / auch den besten Theil meines Lebens  
vnd Alters betroffen / gibt mir genugsame  
Besach/ meinen Sinn vnd Gedancken von  
allen andern objectis vnd Händeln abzuwen-  
den/ vnd einig vnd allein dahin zu dirigiren vnd zu richten / wie  
ich der Gefahr des Schiffbruchs entkommen / vnd mich daraus  
salviren vnd erretten möge. Nach dem sonderlich anho/ mitten  
vnter den ungestümmen Wellen / ich Ruhe gefunden: da dann  
mein condition vnd Gelegenheit gleichwol nach derselben ge-  
ringfügigkeit, aussert allem Reid/ Hah vnd Mißgunst gesetzt/ vnd  
davon allerdings exempt ist: vnd ich in eine solche Republic.  
auffgenommen bin / darinnen ein jedweder ehrliebender seines  
gefallens lebet/ vnd da man seine Meynung vnd Gedancken frey  
vnd sicherlich entdecken vnd offenbaren darff: So hab derowe-  
gen ich mir vorgenommen dieses Orts die meinigen/ über dem ge-  
meinen Wesen / zu repräsentiren vnd an den Tag zu geben/  
damit ein jedweder Fürst vnd Potentat seinen Stand/ Condi-  
tion vnd Beschaffenheit erkennen lernen / vnd was er dßfals zu  
fürchten oder zu hoffen hab wissen möge.

Die zween grösssten Status oder Stände/ so die andern  
alle in der gangen Christenheit gleichsam in einer bilantzen vnd  
gleichem Gewicht halten / seynd beyde Häuser Frankreich  
vnd

vnd Oesterreich: Dann diese seynnds einig vnd allein/welche/ohne  
der andern Hülff vnd Beystand/Kriege zu führen/vnd dieselben/  
so lang es ihnen gefälle/auszutawren vermögen/ohne daß es ih-  
nen dißfalls an denen hierzu notwendigen Mitteln/ als Volck  
vnd Gelde ermangeln sollte.

Das erste hat seine Macht beyssammen vnd befindet sich  
zwischen dem Teut-vnd Engelland/ Spanien vnd Italia: Also  
daß es mit seiner Macht vnd Gewalt angreifen/oder auch beyste-  
hen vnd Hülff leisten kan/welchem vnter seinen Nachbarn es wil/  
ihme beliebet vnd gefällig ist.

Das ander befindet sich zertheilet vnd auß einander zer-  
strewet/so es verhindert/vnd ihm das Vermögen vnd die Mittel  
benimmt / seine Nachbarn entweder zu bekriegen oder denselben  
Hülff zu leisten/als nur gar gering vnd schlechtlich. Das Erste  
erstreckt sich nicht so weit vnd ferz/noch ist auß so vielen mächtigen  
Nationen vnd Völkern zusammen gesetzt/ wie das ander-  
re: Aber es ist ein Erblicher Satus vnd Reich von langer Hand vnd  
Zeit hero/so auch bisher diewegen von niemands angefochten  
oder molestirer worden/so ist es auch zur Obedienz/ Schorsam  
vnd Haltung der alten/ des Königreichs/ Geseze gewöhnet. In  
dem andern befinden sich neue Usurpationes vnd Gebräuche/  
vnd solche Völker / so des schweren vnd langwüriigen Jochs/  
Servitut vnd Dienstbarkeit überdrüssig vñ müde worden seynd.  
Das Erste hat zu trewen Bundsgenossen alle die jenigen/welche  
vor der Macht vnd Gewalt des andern sich fürchten vnd entse-  
hen. Vnd das Andere hat diese an sich die / auß Furcht vnd  
Entschung/wider solches nichts thun oder vornehmen dürfen/  
welche es so lang vnd viel ihm anhängig haben wird / als lang  
ihm die Reputation, das hohe Ansehen/ Macht vnd Gewalt  
allezeit den Frieden vnd Krieg oder Unfrieden in seiner Hand zu  
haben / vnd darmit seines Gefallens hierinnen zu handeln bey-  
wohnen wird.

Das

Das Erste hat kein anders intent vnd Vorsatz / als nur allein/wie es sich manutiren, beschützen vnd handhaben möge: Das Andere aber hergegen ist/ sich über andere groß vnd gewaltig zu machen/gestießen. Das Erste begehret des Krieges nicht/als nur allein/wann es die Noth erfordert / vnd nach dem solches zu seiner selbst/oder seiner benachbarten conservation gereichet/auch es darzu leichtsam gedrungen vnd gezwungen worden Das ander hält die Wehr vnd Waffen stets in der Hand/ vmb etwas gewaltthätiges wider andere zu tentiren, vnd / wo möglich / sie in seine Klauen vnd vnter seiner Gewalt zu bringen.

Das Erste bemühet sich / wie es seine Nachbarn möge in guter Correspondentz Vertrauen vnd Einigkeit erhalten/vnd sich selbst dardurch desto mehr bevestigen möge : Das andere/ Vneinigkeit/Zwyspale vnd Mißtrauen auß zu sden / vmb hiervon seinen Profit vnd Eigennus zu schaffen vnd zu haben. Das Erste justificirt seine actiones, Thun vnd Handlungen / vnd macht dieselben zuvor jedermänniglich kund vnd offenbahr/ ehe dann es etwas außserhalb seiner Grenzen thut vnd vornimbt : Das Andere greiffet zu vnd nimbt wem vnd wo es nur kan oder mag/darnach suchet es/vnter allerley prædext vnd Schein/ das selbe ihm gar zuzueignen vnd zu behalten. Kurz davon zu reden : Das Erste ist content vnd zu frieden/das jenige / so es besitzet vnd innen hat/zu conserviren vnd zu erhalten: Vnd das Andere hergegen trachtet nach einer universal Monarchi vnd Herrschung.

Gleich wie nun aber ihrer beyder Intentiones vnd Vorhaben different vnd voneinander unterschieden ; Also auch seynd ihre proceduren, actiones vnd Handlungen zweyerley. Bey wärender des Königs zarten Jugend hat man innerhalb dem Statu vnd Königreich (Fried/Ruhe vnd Einigkeit zu erhalten) sich dahin bemühet vnd beflissen/durch überflüssige Aufgaben

ben vnd gleichsam profusiones desselben Einkommens vnd  
Reichthümer/ vnd auff rhalb / mit Erlaffung der Freund-  
schafft des Hauses Oesterreich/ auch mit derer/ mit ihme / dem/  
Hausß Franckreich / vereinigten Bundgenossen Nachtheil vnd  
Schaden/ Fried vnd Ruhe zu erhalten. Vnd war zur selben Zeit  
dieses die Maxima vnd vornehmste Regel/ darauff man fleißig  
gesehen/ wie nemlich der Arm/ das ist/ die Macht/ Gewal vnd  
Hoheit des Hauses von Oesterreich in Teutschland manutenirt  
vnd gehandhabt werden mocht/ als welches ein subtiler / spitz-  
fündiger vnd artiger Fund vnd Griff/ alle die vbrigen Häuser  
von einander zu separiren. abzusondern/ vnd dadurch gleichsam  
zu schwächen/ auch dergestalt das Keyserthumb bey dem hochbe-  
sagtem Hause vnd Geschlecht zu erhalten/ als welches das einzige/  
füglichste vnd beste Mittel / des Türcken weitem Progress vnd  
Eingriff in die Christenheit zu verhindern/ wie auch Protekti-  
renden Fürsten in Teutschland endlichen ruin vnd Vntergang  
zu procuriren, vmb dardurch die Römisch-Catholische Religi-  
on desto mehr zu fördern vnd fort zu pflanzen. Hiergegen aber dß  
Hausß Oesterreich (so sein Vornhaben vnd intent ins weite Feld  
stellet/ davon es auch nimmermehr abläßt/ vnd alles/ es geschehe  
gleich mit recht oder vnrecht/ gebüre sich oder nicht/ dahin richtet/  
damit es dardemselben gelangen möge) erhält bey allen Ständen  
in der Christenheit seine Partien vnd factiones, in dem es kein  
Geld sparet oder ansetzt/ an anderer Fürsten Höfen die Räthe/  
Diener vnd Ministros zu corruppiren vnd einzunehmen:  
Erwecket allenthalben Dissensiones vnd Vneinigkeit: wo aber  
dieselben allbereit seynd vnd im schwang gehen/ fovirt vnd erhält  
es solche / vnd läßt hierinnen keine occasion vnd Gelegenheit/  
wo es nur seinen Vorthail ersühet/ vorüber gehen.

Dieweil aber das allergrößte Obstabulum vnd fürnehm-  
ste Verhinderung/ so ihme im Weg ligt/ das Hausß Franckreich  
ist



ist / so thut der wegen es auch demselben am allermeisten Noth  
widersehen.

Die Spaltung der Liga (welche sie so sehr fomentiret,  
vnd sie zu befördern sich zum höchsten bemühet/also / daß vnd  
derselben separation willen/es das Niederland drüber eingebau)  
gib dessen genugsame Zeugniß: wie dann auch hernacher / zu  
Seminiung vnd Aufsäumung Zwyspatts vnd Vneinigkeit / es  
keine Gelegenheit verabsäumet: Aber zu keiner Zeit hat es sich  
gefährlicher erzeigt vnd angelassen/als dazumal/ da es Freunds-  
schafft gegen dem Hause Franckreich suchte vnd vorgab. Denn  
damals begab sichs/daß zu Erhaltung dieser guten Union vnd  
Vereinigung/man ihme allzuviel vnd daß es sich des Reichs vnd  
Keyserthums (gleichsam als wann es im erblich zustände/aller-  
dings unterfangen/ vnd das Teutschland gleichsam in Dienst-  
barkeit gebracht/nachgesehen. So hat es wenig gefehlet/ daß es  
nicht auch das Herzogthumb Mantua mit seinen Klauen er-  
fasset/vnd also viel grössere vnd gefährlichere progressus in der  
zehen oder zwölffährigen mit Franckreich gepflogenen Einigkeit  
vnd Freundschaft/als die Zeit / der mit ihme geführten schwe-  
ren vnd gefährlichen Kriegen über gethan. Endlich aber bey  
vorgefallener dieser letzten Vnrub/hat es die Larven abgezogen/  
Jederman hat den falsch vnd Betrug gemercket: Man hat  
eillicher massen versuche vnd sich bemühet / dem Herzogen von  
Mantua zu Hülf zu kommen / man hat die Teutschen Fürsten  
wiederumb gestärcket / vnd stockt im ersten Versuch hat man  
gezeigt vnd sehen lassen / daß das Ubel noch nicht vneheilbar/  
wofern man nur beyzeiten darzu thäte / nicht müde würde oder  
nachliesse / so sehr nach der Erhaltung der Libertät vnd Frey-  
heit zu trachten / als dieses Haus von Oesterreich sich  
bemühet vnd das äußerste versuche / andere ihm zu  
unterwerffen/unterthänig vnd dienstbar zu machen. Es  
ist

ist nicht genug einmal wol angefangen haben / so man nicht beharret; vnd were besser diesen Widerstand nicht gethan zu haben/als denselben nicht zu vollführen vnd fortzusetzen. Dann die Apprehension oder Entsetzung/die es darob haben vnd empfinden wird/wann es sicher/sein intent vnd Vorhaben zu Grund vnd zu Boden gehen/wird Ihme/sich noch viel mehr ermündern/dasselbige mit Ernst fort zu setzen/Vrsach geben. Vnd so nach etlichem gebrauchtem Widerstand/der Verlust vnd Einbuß ihrer/ein oder zweyer/ so man zu letzt abandonnirt vnd verlassen/erfolgt / wird solches den andern Fürsten allen das Herz benehmen/vnd sie dafür halten/das es vmbsonst vnd vergeblich/ einer solchen Macht sich zu wider setzen.

Wann der Anschlag/so die Teutschen auff das Königreich Böhmen gehabt/ durch Frankreich were sustentirt vnd unterstützt worden/so würde dasselbe allein genug gewesen seyn/dieses hohe vnd stolze Haus zu demütigen. Aber in dem man sie abandonnirt vnd verlassen/seynd sie dardurch in die Dienstbarkeit gerathen.

Der Versuch/den man gethan/den Herzogen von Mantua in seinem Statu zu erhalten/ der hindert noch bricht nicht des Hauses Oesterreich Vorhaben wider Italiam, noch benimbt disfalls ihm seine Hoffnung. So man es vor dismal an seiner Practic vnd Vorhaben gehindert/so wird es nur desto mehr vnd stärker sich präpariren vnd gefast machen / seinen Fehler vnd Mangel zu erkennen. Dann so lang vnd viel über die andern Status es diesen Vortheil haben vnd behalten wird/nemlich zu attackiren vnd anzugreifen/welchen es wil/vnd / wanns se auff's ärgeste mit ihm hinaus schlägt/alsdann (bis zu Zufallung einer andern ihm gelegnern/vnd zu seinem Vortheil dienlichen Zeit)den Frieden widerumb anzubieten/wied darauß erfolgen / das es doch endlich zu dem Ziel seines Vorhabens wird gelangen können : Weil sonderlich die andern Status,so wider dassel-

dasselbe sich unire vnd verbunden haben/nicht ein wie das ande-  
remal ( in Zusammensetzung vnd Vergleichung wegen ihrer  
manutenirung vnd Handhabung ) disponirt vnd beschaffen  
seynd. Es fallen fast stündlich so viel Veränderung/ Wechs-  
lung vnd verkehrung (in Anstellung vnd Gubernirung ihrer  
actionen, Thun vnd Handlungen) vor/das es ein Wunder/ sie  
heutiges Tages/ so viel ihre Conservation vnd Erhaltung be-  
trifft/noch übereinstimmig vnd einhällig zu erschen. So lasset  
nun diese Conjunction vnd Zusammensetzung nicht umbsonst  
vnd vergebens seyn/ setzet darvon nicht ab / werdet auß vorigen  
erlittenen Schäden klug/vnd schafftet ewren Nutzen darauß. Ihr  
setzet nunmehr / woran der Mangel gewesen: lebet nicht also in  
Tag hinein, sondern setzet euch etwas gewisses für/vnd führet es  
mit einer Standhaftigkeit hinaus. Ihr vernehmet vnd spüret  
an sezo genugsam/war von ewer Vbel herkompt vnd entspringet  
Schafft demselben bey zeiten Rath vnd Hülff/vnd durchsuchet  
es bis auff den Grund/damit shrs außbreuten könnet: vnd die Ar-  
beit/ Vnkosten vnd Mühe euch nicht zurrück schlagen/ umbsonst  
vnd vergebens seyen. Dann es viel besser vnd rathfamer ist/  
starck drauff zu drucken vnd es zu wagen/ damit der Schaden  
stracks auff einmal curiret vnd geheilet werde/als das ihr euch/  
mit brauchung sanfter vnd gelinder Mittel/lang auffhaltet/ so  
dann zu nichts anders/als zu Verlängerung der Kranckheit des  
Patienten dienen/noch ihm zur Gesundheit bringen würde.

Dann die Intention vnd das Vorhaben des Hauses  
Oesterreich gehet vnter andern dahin/nemlich die andere Fürst-  
liche Häuser zu vnterdrucken vnd in Dienßbarkeit zu setzen: Des  
Hauses Franckreichs aber ist dahin gerichtet/der selben Libertät  
vnd Freyheit zu erhalten: Dieweil senes versucht sich allein zu er-  
heben vnd groß zu machen/wenn gleich die ganze Welt darüber  
Schaden leiden sollte: Aber dieses hergegen allein trachtet seine  
Freunde zu erhalten.

B

Dieses

Dieses gute Vorhaben nun/wol nemlich auff die Justiti-  
am, Gerechtigkeit vnd Possibilität oder Möglichkeit (damit es  
glücklich fortgehe vnd zum guten Ende außlauffe) zu fundiren  
vnd zu gründen/muß man nichts/als Mähe wider die Usurpati-  
on vnd Gebrauch (noch etwas wider sein altes Patrimonium  
vnd Erbidaber) vornehmen/dann daselbst ist es / da man es am  
schwächsten befindet/ vnd darzu ein jedweder gern helfen vnd  
sich gebrauchen lassen wird/so wol sich von dem Ubel zu befre-  
en/als seinen Nutzen zu procuriren vnd zu fördern.

Jederman ist bekant / mit was für Titul vnd Recht das  
Haus Oesterreich/dasjenige / so es in Italia hat/besitzt vnd  
innen hat:wie das Imperium, Reich vnd Keyserthum electi-  
vum s: y das ist/auff einer freyen / ordentlichen Wahl besteht/  
vnd in was grosse Sevitur vnd dienstbarkeit die Teutschen sich  
gebracht vnd gesetzt befinden.

Dieses seynd die zwei grosse Nationes oder Völker / so  
man wider in die Freyheit bringen vnd einsetzen muß.

Teutschland belangend/sih-t vnd verspüret man nunmehr/  
daß der Parthey der Protestirenden, es bisher mehr an guter  
Ordnung vnd Procedures, als an der Macht vnd Gewalt ge-  
mangelt:vnd daß die groff. Persecution vnd Verfolgung/so sie  
an sich außst:het, sie viel mehr gestärcket / als geschwächet hat.  
Das Volk vnd die guten Städte seynd noch vorhanden / vnd  
mangel: ihnen nichts/als daß sie wider ein Herzfassen/ vnd mit  
guten Führern vnd Obristen versehen werden. Gott hat sie suen  
erwecket/nemlich den König auß Schweden: So Ihme von den  
Herren Staaden der vereinigten Niederlanden / durch eine Di-  
versionem vnd Abwendung oder Zurueckhaltung des Feindes  
Macht/den Englischen Succurs, vnd das Französische Geld die  
Hand geboten vnd Hülf geleistet wird / so hat es das Ansehen  
zu einer gewaltigen Mutation, Restitution vnd Verbesserung  
aller Sachen vnd Handel in demselbigen Lande.

Was

Was Italias oder Welschland betrifft/ist ihm leichtlich  
zu helfen/wosern nur Frankreich demselben nicht zu Hülff kom-  
met/so muß es unterliegen. Dann der Spanier hat allbereid die  
Hülffte daselbst innen/und der Rest ist in viel unterschiedliche  
Stände zertheilet/so meistentheils von Ihm dependiren und  
ihm anhängig seynd. So wil nun von nöthen seyn/ daß Franck-  
reich daselbst etwas possedire und besitze/oder daß man die Spa-  
nier darauß treibe vñ versage. So es (verstehe das Haus Franck-  
reich) darinnen einen Fuß setzet/so kan zwar dadurch die Servitut  
und Dienstbarkeit verhindert werden/aber d' Krieg wird darumb  
auch davon nicht abgewendet. Wird also diß der sicherste Weg  
seyn / daß nemlich die Frembden und Außländischen darauß  
weichen und sich begeben/und dasjenige / so sie daselbst besitzen  
und jenen haben/unter die andern Italianische Fürsten verthei-  
let werde/darzu sie dann alle/wegen des grossen Nutzē/so darvon  
zu gewarten/gern verstehen und helfen werden: Und durch die-  
ses Mittel wird auch geschehen / daß sie sich nimmermehr mit  
dem Haus Spania reconciliren, versöhnen und vereinbaren  
lassen werden: Welches dann umb so viel desto eher und leicht-  
licher sich wird practiciren und thun lassen/nach dem Teusch-  
land eben zur selben Zeit mit Krieg occupirt und beschweret/und  
also der Spanier keine Soldaten darauß wird haben oder  
zuwegen bringen können/ohne deren assistentz, Hülff und Bey-  
stand aber man in Italia nichts wird richten / oder auch Er d. G.  
selbst sich in die Länge halten können.

So seynd die Schwelger auch allzu gross Liebhaber und Ego-  
ferer über freyheit/denen die pretensiones so das Haus De-  
sterreich geaē sie hat/nur gar zu wol bekant/dahero sie zwar dieser  
Zeit seiner Hochheit zu favorisiren vñ in etwas nachzugeben wiss-  
sen/waß sie aber sehen werden/daß mans an dem Ort nimbe und  
angreiffe/woman soll/werden sie im wol weiter nit nachhängen.

Wij

Herwegen

Hergegen so vermeynt es (verstehe das Haus Oesterreich) vnd hält es dafür / daß diese Nation von der grösssten Macht vnd Stärck eine ist/so das Herzogthumb Meyland auß seiner Dienstbarkeit (darinn es sich stercken thut) liberiren vnd befreyen könnte.

Sihe dieses seynd die rechte / waare vnd sicherste Mittel/ die Christenheit widerumb in Frieden vnd Ruhe zu stellen: Auffer diesem aber/hat man anders nichts/als daß endlich e der Stände ruins, Vntergangs vnd Verderbens zu gewarten. Aber es ist an dem allein nicht gelegen oder genug/daß mans ihm also fürsetze/vor gut halte vnd gefallen lasse: Sondern man muß auch das Werck selber angreifen/vnd inmittelst (so lang vnd viel/bis sich eine Gelegenheit begibt vnd zurdar (sich versehen/rüsten vnd mit einer starcken vnd standhafften Resolution gefast machen/der massen vnd also/daß man nimmermehr von selbigen Vorne-men begehrt abzulassen. Dann ob gleich/wegen vieler acciden-tien vnd darzwischenfallenden Sachen / man nicht allezeit das Werck in gleicher maß wird fortsetzen können; doch (wann anderst das Haus Oesterreich es ihm/ wie das Haus Oesterreich in seinen Sachen thut/angelegen vnd einen Ernst seyn lassen/vnd die Sachen recht in Obacht nemen wird) wird man doch endlich noch zu dem vorgesezten Ziel kommen vnd gelangen können.

Derwegen ihr Italianische Fürsten vnd Stände / die ihr vnter einer harten vnd schweren Dienstbarkeit sticket / oder doch zum wenigsten noch darein zu gerathen euch beförchtet / dieweil ihr sehet/daß das Oraculum über ewren Häuptern herfauset / ermuntert euch vnd fasset widerumb ein Herz.

Auch wolle sich der Pappst dessen nur nicht lassen bereden oder gedenccken/daß die Reverentz vnd Ehrerbietung gegen der Religion / dieses Verlangen vnd Begierde zu herrschen werde zurück halten. Die Venediger wollen sich erinnern/daß die grosse Lieb/die sie zu Erhaltung ihrer Libertät vnd Freyheit tragen/ sie zu abgesagten Feinden mache/diejenigen/der sie ihnen begehret mit

mit Gewalt zunemen. Vnd alle die jenigen / so dem Haus Österreich entweder auß Freundschaft / oder auß Furcht geneigt vnd wol gewogen / wollen doch allhie lernen vnd bedencken / daß wann sie gleich zu allerlezt vnter das Joch vnd Dienßbarkeit solten gebracht ; doch auch alsdann am übelsten werden tractirt vnd gehalten werden.

Ihr Churfürsten des Reichs erweistets sekunder / ob ihr es seyd in der That / wie ihr den Namen führet / laßet die gute Gelegenheit / die sich anho Euch erzeigt vnd selber an die Hand gibt / nicht auß der acht. Ihr habt genugsam erfahren / daß ewere Spaltung vnd Vneinigkeith / ewerer Ruin vnd Vntergangs eine Ursach gewesen. Vergleichet vnd vereiniget euch wiederumb mit einander: widersetzt euch dieser Tyranney / so euch begehret vnter zudrucken: Sihe da seynd ewre alte Freunde / so euch Handbietung thun: helffet euch selber / wann ihr ander si wollet / daß man euch solle zu Hülf kommen. Sollte es auch wol möglich seyn / daß diese herzliche vnd tapffere Nation, so das Reich vnd Keyserthumb an sich gebracht / vnd die Gerechtigkeit der freyen Wahl so viel vnd lange Jahr erhalten / heutiges tages diese prerogativam vnd Freyheit sollte wollen verlieren? Nein es kan nicht seyn / vnd vermeynte ich ehe die Donaw vnd den Rhein ohne Wasser / als Teutschland ohne die Freyheit zu sehen vnd zu finden: Resolvirt vnd setz Euch vor / nimmermehr die Waffen zu quittiren oder abzulegen: so lang vnd viel. bis ihr die Churfürstliche Libertät vnd Freyheit wider in den alten vnd voriagen Stand get. Aber auch ins künfftige dieselbe in ihrem Vigore, Krafft vnd Würde zu erhalten / müßet ihr diese nach folgende zwey Stück mercken vnd in gute fleißige Obacht nemen.

Das erst: Künfftig / bey lebzeiten des einen / keinen andern Keyser mehr zu designiren vnd zu benennen / damit desselben Auctorität der Libertät vnd freyen Wahl nicht prejudiclich vnd nachtheilig sey.

Zum andern: Ein fundamental Befehl vnd darinnen zu verordnen/ daß man nimmermehr zweyen Keyser auß einem Haus vnd Geschlecht nach einander erwöhle, zu Verhütung des abusus vnd Mißbrauchs/darein ihr so gerathen seyd; weil die hohen Häuser gemeinlich/wie in andern / also auch im Reich vnd Keyserthumb zu succediren vnd nach zu folgen begehren.

Ihr/der Gothen vnd Wenden König/ welchen Gott zu Widerauffrichtung der Teutschen Libertät vnd Freyheit erwecket vnd lassen geboren werden/der Ihr machet / daß ein Mann so viel gilt/als ihrer sonst hundert tausend/vnd daß hundert tausend nicht mehr gelten als ein einziger / verfähret weiter mit der Spizen ewres Schwerts/werdet so hierinnen nicht laß noch müde / des Præmii vnd des Lohns werdet ihr am Ende des Lauffes vnd der außgestandenen Mühe vnd Arbeit gewiß vnd unfehlbarlich zu erwarten haben.


Ihr in Groß Britannien oder Engelland ein König über eine so streitbare vnd kriegerische Nation, der Ir zu Widereinsetzung ewres Schwagers gleichsam obligirt vnd verbunden seyd/ vnd des Spaniers Betrug nunmehr billich soltet warnehmen vnd mercken/sehet so nicht länger zu / daß man also Ewer spotte vnd euch bey der Nasen herumführet? Die Justitia vnd Gerechtigkeit obligirt vnd verbindet Euch zu solchem/ die Zeit vnd Occasion ladet Euch gleichsam hierzu ein / vnd der rechtmäßige Zorn solte se billich Euch darzu bewegen / mit diesem endlichen vnd erstlichen Versah/diesemigen/die Ewre Güte vnd Mildigkeit haben mißbraucht / hinwiederumb in Rome / Leid vnd Schmerzen zu bringen.

Vnd jr wackere vnd muntere Streiffer auff dem Oceano oder grossen Meer/die ihr der Spanischen Fortuna vnd Glück habe dörfen einen Zweck vnd Nagel stecken / vnd die ihr durch ewre glückhafte Sieg der ganzen Welt zu erkennen gegeben/ daß diese Nation nicht vnüberwindlich sey/fahret also fore/ vnd  
fähret



führet es hinauß/wie ihrs habt angefangen; Gewinnet die Zeit/  
vnd macht Euch vmb andere wol verdient.

So viel nun euch Großmächtiger vnd aller Christlichen Liber-  
rät vnd Freyheit vnd das primum Mobile, welches den andern  
allen eine Bewegung gibt/ sehet doch/ wie leichtlich dieses vorha-  
ben ins werck zu richten/ vnd was für grosses Lob/ Ruhm vnd  
Preis Euch darentwegen vor behalten seynd/wann nur/wir ihrs  
mit Recht/ Gerechtigkeit vnd einem Heldenmuth angefangen/  
Also auch mit Sorg/ Fleiß/ einem rechten Ernst vnd Standhaff-  
tigkeit hinauß führet vnd vollendet: **G**ott verleihe durch seine  
Gnad vnd allmechtigen Arm euch dermassen Glück darzu/ da-  
mit ihr/ zu einem glorwürdigen Trophæo vnd Triumph Zeichen/  
diesen herzlichen Ehren Titul/ (nemlich Liberatoris Christiani-  
tatis, das ist/ eines Erretters vnd Befreyers der Christen-  
heit endlich erlangen vnd davon brin-  
gen möget.



Faint, illegible text, likely bleed-through from the reverse side of the page. The text is arranged in several lines and is significantly faded.







Ji 5259 h

TA-70L

ULB Halle

3


002 510 669



W 17







B.I.G.

Farbkarte #13

Blue Cyan Green Yellow Red Magenta White 3/Color Black

Inches 1 2 3 4 5 6 7 8 9 10 11 12 13 14 15 16 17 18 19  
Centimetres

*20u Mi 5% 59 1/2*  
ausführ=

L R S,  
d Gut=

zen Chris

Wesen vnd üblem  
dem darinnen eine Zeit  
zu haben vnd zu



vornehmen vnd  
Sprach mit Fleiß ge  
glichen Wissenschafte  
ins Hochdeutsch  
ruck

632.

